

Θεῶν distracti, vix inter se viri facti consentiunt. Sed omnia unitati in Republ. servare debent.

3. **Oeconomici**: quia clancularia institutio ex solâ ἰδιωβελία, existens justo mollior, tota è Parentis placito, matris arbitrio. Licentia autem omnes sumus deteriores.

7. A multis ipsarum Scholarum Clanculariarum vitis & difficultatibus.

Tom. 4. lat. Jen. fol. 9. 6.

In Instit. Orat. l. 1. c. 2.

Quia multiplicia sunt scholarum Clanculariarum vitia & quibus nonnulla, multa, ut festinantibus accidit, sciens maxime prætervectus, referam, respiciuntq; vel ipsos Præceptores. Quia legitimâ destituuntur vocatione. Vocatio DEI & Magistratus est. Unde igitur Discipulorum salus? Non fortunat Deus, in-

quit magnus ille Lutherus, labores eorum, qui non legitime vocati, & quamvis salutaria adferant, tamen non edificant.

Quia ut plurimum non satis eruditi: (de doctis, qui publica habent eruditionis testimonia, non loquor, qui non tantum fovendi, sed & promovendi: nemo ergo in me nimis sit ingeniosus, & plus dixisse me suspicetur, quam dixerim.) Quodq; parum novit nemo docere potest. Si uspiam locum habet illud, non discere, sed didicisse, sanè hic locum habet. Hinc Quintilianus: de Pædagogia hoc amplius, ut aut sint eruditi planè, aut se non esse eruditos sciant. Nihil enim pejus est iis, qui paulum aliquid ultra primas literas progressi, falsam sibi scientia persuasionem induerunt. Nam & cedere præcipiendi peritis indignantur, & veluti jure quodam potestatis, quo ferè hoc hominum genus intumescit, imperiosi, atq; interim scipientes stultitiam suam perdocent.

Quia multi vanâ persuasionem elati, tempus vocationis expectare non possunt; quemadmodum Βαυκοπαυδης ille Infundibulator, qui sese obtrudere, turbas dare, quietos inquietare, religioni sibi minime ducit.

Quia multi segnitiam sectantur, sua studia tractant &c. Quod in Scholâ publicâ ob quotidianam inspectionem & singulis horum reddendam rationem publici Præceptores prohibentur.

Vel Parentes. Quia propter officia & occupationes, quamvis vel maxime velint, operas ipsas, (quod quidem Plu-
tar-